

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স- ৪৯৯৩  
আগরতলা, ২৮ ফেব্রুয়ারি, ২০২৪

আগামীকাল সপ্তম উত্তর পূর্বাঞ্চল যুব উৎসবের সমাপ্তি : যুব বিষয়ক ও ক্রীড়ামন্ত্রী  
আগামীকাল সপ্তম উত্তর পূর্বাঞ্চল যুব উৎসবের সমাপ্তি এবং পুরস্কার বিরতণী  
অনুষ্ঠান আগরতলার স্বামী বিবেকানন্দ ময়দানে অনুষ্ঠিত হবে। আজ মহাকরণে এক সাংবাদিক  
সম্মেলনে যুব বিষয়ক ও ক্রীড়া দপ্তরের মন্ত্রী টিংকু রায় এসংবাদ জানান। তিনি জানান,  
গত ২৬ ফেব্রুয়ারি উত্তর পূর্বাঞ্চল যুব উৎসবের উদ্বোধন হয় আগরতলা পূর্বশা প্রাঙ্গনে।  
আগামীকাল সমাপনী পর্বে পুরস্কার বিতরণ ছাড়াও বিভিন্ন সাংস্কৃতিক অনুষ্ঠানের আয়োজন  
করা হয়েছে। প্রথ্যাত সঙ্গীত শিল্পী শান (শান্তনু মুখার্জি) ও অনুষ্ঠান পরিবেশন করবেন।  
এছাড়াও রাজ্যের এবং বহিঃরাজ্যের শিল্পীগণ বিভিন্ন সাংস্কৃতিক অনুষ্ঠান পরিবেশন করবেন।

ক্রীড়ামন্ত্রী জানান, অনুষ্ঠান হবে সবার জন্য উন্নত। শহরে যানজট এড়ানোর জন্য  
থাকবে নির্দিষ্ট পার্কিং-এর ব্যবস্থা। রাজ্যের দক্ষিণ ত্রিপুরা থেকে যেসব দর্শকরা অনুষ্ঠান দেখতে  
আসবেন তাদের জন্য উমাকান্ত এবং নাগেরজলা বাসস্ট্যান্ডে যানবাহন রাখার সুবিধা থাকবে।  
উত্তর ত্রিপুরা থেকে যারা আসবেন তাদের যানবাহন জেল রোড সংলগ্ন ক্ষুদ্রিম বসু স্কুল  
মাঠে রাখার ব্যবস্থা থাকবে। খোয়াই, কমলপুর, কৈলাশহর ও ধলাই থেকে আসা মানুষ রাধানগর  
বাসস্ট্যান্ডে যানবাহন রাখতে পারবেন। ক্রীড়া মন্ত্রী আগামীকালের এই উৎসবকে সফল করতে  
সবার সহযোগিতা কামনা করেন। সাংবাদিক সম্মেলনে এছাড়াও উপস্থিত ছিলেন যুব বিষয়ক  
ও ক্রীড়া দপ্তরের সচিব ড. পি কে চক্ৰবৰ্তী, ক্রীড়া দপ্তরের অধিকর্তা এস বি নাথ।

\*\*\*\*\*